


АКАФИСТ



ВСЕМ
СВЯТЫМ

Сборник
Акафист всем святым

«Издательство Сретенского Монастыря»

Сборник

Акафист всем святым / Сборник — «Издательство Сретенского
Монастыря»,

ISBN 978-5-7533-1022-4

Текст соответствует изданию: Акафист всем святым, от века Богу
угодившим, ихже память совершается Церковью в первую Неделю по Святей
Пятидесятнице. – Варшава: Синодальная типография, 1928. Рекомендовано к
публикации Издательским Советом Русской Православной Церкви.

ISBN 978-5-7533-1022-4

© Сборник
© Издательство Сретенского
Монастыря

Содержание

АКАФИСТ ВСЕМ СВЯТЫМ	5
Конец ознакомительного фрагмента.	8

АКАФИСТ ВСЕМ СВЯТЫМ



Кондак 1

Избранным угождением Божиим, всем святым, от века во всем мире просиявшим и на небеси венцы славы приявшим, похвальное приносим пение. Вы же, яко имущии велие дерзновение ко Господу, от всяких нас бед свободите, да зовем вам хвалёбно: Радуйтесь, вси святии, теплии о всем мире Богу молитвенницы.

Икос 1

Ангельский собор, умаленный падением гордых ангел и вами, всеми святыми, восполняемый, светло торжествует в день памяти вашей, и всю вселенную созывает на веселие духовное. Мы же, им подражаяще, зовем вам радостно: Радуетесь, святии, от века Богом предуведеннии и представлении к славе небесней; радуйтесь, от всех родов, мест и времен в служение Господу избраннии. Радуйтесь, избрание ваше подвигами благочестия оправдавшии; радуйтесь, образом добрых дел ваших правый путь к небеси нам показавшии. Радуйтесь, прежде писанного закона Божия по закону совести праведно пожившии; радуйтесь, в законней сени благочестно житие свое совершившии. Радуйтесь, в новей благодати светло добродетельми просиявшии; радуйтесь, в последняя сия времена Богу благоугодившии и мзду с первыми получившии. Радуйтесь, от земных скорбей прешедшии к небесному покою; радуйтесь, сподобльшиися зрети неисповедимую славу Божию. Радуйтесь, с лики безплотных непрестанно хвалящи Пресвятую Троицу; радуйтесь, всегда молящиися Ей о всех почитающих вас. Радуйтесь, вси святии, теплии о всем мире Богу молитвенницы.

Кондак 2

Видящи Православная Христова Церковь, многочисленными лики святых, яко прекрасными райскими цветы себе украшену, светло почитает память их и Пречистую Богоматерь с рождшимся от Нея Христом Богом величает, вопиющи Тому хвалёбную песнь: Аллилуиа.

Икос 2

Разуму нашему просвещение у Господа испросите, святии угодницы Божии, да отрясше земнбе пристрастие, вознесемся сердцем и мыслию в наследованная вами и нам обещанная селения райская, и возопием вам радостно: Радуйтесь, ветхозаветнии праотцы и патриарси, родоначальницы по плоти Христа Сына Божия; радуйтесь, яко благословением Божиим умножишася роды ваша, яко звезды небесныя. Радуйтесь, среди мрака древняго нечестия правую вашу веру во истиннаго Бога сохранившии; радуйтесь, с надеждою чаявшии обетованного Искупителя. Радуйтесь, яко от вашего племени возсия пресветлая свеща – Богородица Марія; радуйтесь, яко от Нея родися Победитель смерти и ада. Радуйтесь, верою во грядущаго Христа спасение улучившии; радуйтесь, вместо древния клятвы благословение тем получившии. Радуйтесь, и во аде Христова пришествия ожидавшии; радуйтесь, адских мучений Им избавлении. Радуйтесь, на небеса со славою возведеннии; радуйтесь, с лики ангельскими в вечныя обители Отца Небеснаго вселеннии. Радуйтесь, вси святии, теплии о всем мире Богу молитвенницы.

Кондак 3

Силою Вышняго осенени бывше, святїи, дерзновѣнно ополчїтесе протїву начал и властей злобы поднебесныя, и победивше тех коварства, вся блага начинания ваша добре совершите, воспевающе всесильному человеколюбцу Богу: Аллилуиа.

Икос 3

Имуще святїи пророцы преславная селения во обителех дому Отца Небеснаго и присносущным светом лица Божия просвещаемы, неизреченнаго воистину со всеми святыми наслаждаетесь блаженства, егже вы земнии причастницы быти желаете, воспеваем вам сице: Радуйтеся, святїи пророцы, Богом избраннии прежде вашего рождения; радуйтеся, верно поработавшии Ему прежде Христова воплощения. Радуйтеся, от младенчества благодатию Святаго Духа освященнии; радуйтеся, посланнии от Господа вразумляти заблуждшия сыны Израилевы. Радуйтеся, предвозвестившии Христова от Девы славное рождение; радуйтеся, звезды, предварившии пришествие истиннаго Солнца. Радуйтеся, законопреступных царей Израилевых дерзновѣнно обличившии; радуйтеся, всякое людское нечестие мечем слова Божия нещадно посекшии. Радуйтеся, вернии раби Господни, вся хотения Его исполнившии; радуйтеся, истину небоязненно пред властью вещавшии. Радуйтеся, многи скорби в мире претерпевшии; радуйтеся, со всеми избранными торжествующии на Небеси в славе вечней. Радуйтеся, вси святїи, теплии о всем мире Богу молитвенницы.

Кондак 4

Буря житейския избавльшесе, вси святїи, преидосте в небесный покой, на места злачна и прохладна, идеже потоцы сладости исповедимыя, пища славы Божия нетленная, пения и гласы празднующих; тамо убо торжествуете со всеми ангельскими силами, поюще Богу: Аллилуиа.

Икос 4

Око не виде и ухо не слыша, и на сердце земнаго человека не взыдоша радости и сладости, ихже вы ныне наслаждаетесь, апостоли святїи. Сего ради благоговейно зываем вам: Радуйтеся, святїи апостоли, с Предтечею Иоанном ближайшии друзи Христовы; радуйтеся, по Пресвятой Деве Марии, первостоятелие у Престола Святыя Троицы. Радуйтеся, возвестившии миру таинство нашего искупления; радуйтеся, светом веры Христовы омраченныя люди просветившии. Радуйтеся, семя слова Божия в сердца человеческая всеявшии; радуйтеся, плоды трудов ваших в Небесном вертограде пожинающии. Радуйтеся, святїи отцы, седмию Вселенскими Соборы исповедание православныя веры утвердившии; радуйтеся, утишившии бурю еретическаго нечестия. Радуйтеся, изяснившии нам догматы православныя веры; радуйтеся, и донне учением вашим ограждающии Церковь Христову от ересей и расколов. Радуйтеся, святїи иерарси, словом и житием светло просиявшии; радуйтеся, во свете невечернем с духовными вашими чады ныне обитающии. Радуйтеся, вси святїи, теплии о всем мире Богу молитвенницы.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.